



PL
2615
K6
1699
v. 4





謝木藥稿

題謝木齋稿

成化乙未廷試王文恪已居第
一商文毅忌之易文正故時人
嘲曰文讓王鏊貌讓謝遷今觀
文正文清剛古樸不入時艷獨



惜其少耳文品究何嘗讓文恪
也方逆瑾用事時羣邪項領衆
正側目在廷之士咸受摧抑文
正獨秉介石之操翩翩去位不
俟終日至於面折時相國門觀

者爲之改容其節可謂高矣文
恪未嘗不去而後於文正古人
出處進退確乎不苟雖文章偶
讓人而大節凜然是以科名重
也彼齷齪庸碌者何足與較長

繫短哉

桐川俞長城題

名家制義目錄

桐川俞長城論次

成化朝

謝遷

道之以政

全章

思事親不

知天

衣錦尚綱

目章

文王發政

四者

名家制義 二十冊

目一

三

可義堂

麒麟之於

四句

責難於君

一句

道之以政

全

謝遷

論民心之所以格者不以法而以道也夫善政不如善教之得民也

任政民畏之任道民化之治天下當審所尚矣嘗謂善為民者其無

樂乎無耻也求其有耻而已甚無樂乎苟免也求其能格而已然而

耻之有無格之真否則又惟上所道惟上所齊焉是故均之道民也

均之齊民也自夫以法維天下者修八則立五禁日以王朝象魏之

政懸於四方而一或不率大司寇之五刑從而議之將見斯民臨不

韙之法不勝規避之心見不測之刑務為遠罪之計苟且僥倖僅足

以免於政免於刑而羞惡之良有或存者乎無有也然則道民者如

○詔○妙○絕○

何○而○止○於○政○齊○民○者○如○何○而○止○於○刑○也○對法反○是○而○以○道○化○天○下○者○修○三

禮○明○七○教○日○以○吾○身○躬○行○之○德○訓○於○四○方○而○一○或○不○正○大○宗○伯○之○五

禮○從○而○範○之○將○見○斯○民○涵○濡○於○德○化○而○感○動○之○機○深○甄○陶○乎○禮○教○而

自○新○之○念○切○激○發○羞○耻○且○將○化○於○德○化○於○禮○而○本○然○之○天○有○不○至○者

乎○無○有○也○然○則○道○民○者○如○何○而○不○以○德○齊○民○者○如○何○而○不○以○禮○也○禮○意

是本

道○德○之○民○即○道○政○之○民○也○齊○禮○之○民○即○齊○刑○之○民○也○治○之○以○政○刑○則

用張○皇○高○其

知○政○刑○治○之○以○德○禮○則○知○德○禮○是○故○人○君○慎○所○以○感○之○者○

結○出○主○意

龜○作○收○不

蕭○要○清○通○自○有○名○臣○氣○象○艾○千○子

以○逆○勝○順○以○淡○勝○濃○妙○在○得○神○得○勢○

思事親不

知天

樂

還

是○修○道○以○仁○

此○是○三○達○德

欲切夫仁之施當極夫智之務甚矣修身本在仁也使或理有未窮

而知有未盡則仁道何自而生哉孔子告哀公曰君子之於天下也

必正己而後可以正人故君子之修其身也必窮理而後可以盡性

何則修道以仁而其實則事親是矣思事親者色取仁而行違可乎

故必先明誌其所往然其要則在知人蓋覺有先後學非師友則不

覺矣是故師之所在則尊師以崇道必隆用上敬下之誠而惟諫弗

弗友之所在則取友以輔仁必敦樂道忘勢之念而惟言是庸天然

則開導啓沃自有以全其真純而砥礪切磨亦有以杜其外誘由是

以廣因心之孝而得眷顧之宜○補○以○句○終○雖曰不慮而知今則行而著矣由是以敦所性之仁而克錫類之善○雖○曰○不○慮○而○知○今○則○行○而○著○矣○由○是○親者可不知人乎夫事親必本於知人而親上之殺尊賢之等皆天理也思知人者逆許而億不信可乎故必窮斯道之大原然其要則在知天蓋天者理所從出窮理不于是則非理矣必也體乾元之善○此○是○仁○善○分○詩○子○子○以○此○句○屬○達○道○寸○句○對○達○德○以盡長人之仁因其本然之則而不失乎自然之倫達天德之知而精理物之義○誤○矣○同其在物之宜而不失吾處物之制夫然則天敘之典既敘吾親之仁而天秩之理復庸吾尊賢之義由親上而仁民由仁民而愛物必不流為蕪愛而致忘其先務也由尊賢而容衆由嘉

而矜不能必不混于所施而不急于尊賢也。思知人者不知天。
聖吁。君子之立政也。舍是則取必于智巧功利之間。其為修身也。抑
未矣。

此四句重知字。事親由于天性。知人欲其請明此理耳。親上必由
尊賢。只重明理。其尊賢之事。尚不在內。非尊賢在先。事親在後也。
知人知天。知中分源流。處皆重一知。破題已得主腦。全文刻劃處。
幹旋處。俱能獨闢新義。制義至此。真能羽翼傳註。歸于無弊。不
可于字句間較工拙也。

恩事親
謝

十一

中庸引詩而言君子之學不欲顯其美不能掩其美夫君子之學為
而已然其美既有諸中則雖欲其不顯而亦豈可得哉中庸言下
學立心之始而明之以詩意謂衣之華者莫如錦衣之襲者必以禪
以錦為衣若無事于綢矣詩言衣錦于中而尚綢于外者何哉蓋服
飾取于得喪文章忌于太著衣錦而無以襲之則光華絢爛外有餘
而質素之風薄矣覆之以綢正惟有惡于顯焉而欲其晦也采色炫
耀文極盛而敦樸之意微矣加之以綢正惟有惡于文焉而取其質
也○惡○著○是○君○子○之○心○日○章○其○驗○也○劇○佳○老○
也○古○之○君○子○務○寔○而○不○近○名○重○內○而○不○事○外○其○心○益○如○此○是○以○其○為○
○轉○出○道○

○字○

道也。雖曰藻飾不加而無文之可觀。然神明內蘊。味之而不厭也。探

○日○章○詮○得○的○寔○不○嫌○抄○書○

之而不窮也。粹然盎然而日有宣著者。在其可得而終掩乎。雖曰質

任自然而不見其所美。然和順內充。抑之而愈揚也。遏之而愈光也。

赫兮。宣兮。而日有昭灼者。存其可得而終隱乎。是則闇然而不文者。

網之襲于外也。日章而不可掩者。錦之美在其中也。君子為己之學。

有如是夫。

說得親切有味。于喬自評

文字縝密有思致。王中溪

此種文血氣方剛時讀之。如嚼枯木。老于斯道。乃知其有未也。錢

有尾

真理學真風雅楊維斗

如題挨去頓挫抑揚妙得古人之意。理學風雅從言外玩之。思焉學矣。

衣錦尚

謝

麒麟之於

四句

謝遷

觀至物之於物而知聖人之於人矣其矣聖人與人異也即飛走流

峙之類以觀之又何疑想有若欲推尊夫子意曰觀衆人而後知聖

人之異也猶觀衆物而後知至物之異也彼天下之物走者吾知其

為獸也飛者吾知其為鳥也流峙者吾知其為山川也然獸非麟不

足以為天下靈也鳥非鳳不足以為天下瑞也山非泰山水非河海

不足以為天下奇也故以飛走而言凡飛皆鳥也凡走皆獸也惟由

鳥獸而通之于麒麟鳳凰焉始知麒麟與走獸異也始知鳳凰與飛

鳥異也麒麟鳳凰殆不可與鳥獸論飛走矣以流峙而言丘垤皆山

二十册

上監 戊化乙未

九

丁義堂

也○行○潦○皆○水○也○惟○由○丘○垤○行○潦○而○適○之○于○泰○山○河○海○焉○始○知○泰○山○下○推○高○而○丘○垤○不○與○也○始○知○河○海○天○下○推○深○而○行○潦○不○與○也○泰○山○河○海○始○不○可○與○丘○垤○行○潦○論○流○峙○矣○吾○不○知○天○之○賦○物○胡○為○辨○異○而○使○走○者○不○皆○麟○飛○者○不○皆○鳳○而○流○峙○者○不○皆○泰○山○河○海○也○吾○不○知○物○之○成○形○胡○為○群○分○而○使○麟○不○與○鳳○不○與○鳥○伍○而○泰○山○河○海○不○與○丘○垤○行○潦○伍○也○吁○此○言○其○異○也○如○以○類○而○已○則○麒○麟○雖○靈○不○離○走○獸○鳳○凰○雖○瑞○不○離○飛○鳥○泰○山○不○讓○土○壤○故○能○成○其○高○河○海○不○擇○細○流○故○能○成○其○深○何○嘗○不○同○哉○

一片空行全與下字類也二字相関淡折數筆覽之似為一瀉而

尾

成細讀之。正使他人刻劃千日。亦無以易。所謂定州壁中老龍一
點睛。即便飛去者也。王美申
通篇只做之于二字。而之于二字。只一點。絕不糾纏。驅使定字。馳
騁變化。入神之處。

麒麟之

謝

責難於君謂之參

二上意

謝遷

臣之望君也。深則其尊君也。大夫君道而至于盡仁。可謂難矣。人臣

以是而望于君焉。其尊之也不亦大哉。孟子論治天下之法度而責

其臣者如此。意謂君之為政也。有難易而臣之尊君也。有大小。人臣

以難而責于君。蓋必告于內者。不惟其仁心之存而已。必欲吾君擴

而充之。使好生之德始于家而達之于邦國。陳于前者。不惟其仁聞

之達而已。必欲吾君推而行之。使長人之善舉之身而措之于天下。

為君莫盛于堯也。責吾君以堯之所以為君者。為君。不如堯。吾愧

焉。治民莫善于舜也。責吾君以舜之所以治民者。治民。君不如舜。吾

耻焉夫責難于君如此不謂之恭而何蓋世之事君者惟欲之狗而

君不能自作怒

不敢拂乎君貌則恭矣然其中必有不足與言仁義之心恭何有于

惟令之從而不敢言其過外若虔矣然其中必有不足與為堯舜之

緊接醒恭字

心恭何有乎今以堯而望君則君亦堯也堯之道光被四表格于上

下而吾能致君于堯恭孰有大于此哉以舜而望君則君亦舜也舜

之道為法于天下可傳于後世而吾能致君于舜恭孰有加于此哉

○求○此○句○正○對○事○吾○無○私○三○句○

由是觀之則人臣事君之道可知矣抑論之取其可愛而不取其可

畏庸君之情也沮于所畏而趨乎所喜具臣之心也蓋恣肆之于備

戒有樂與不樂之異違拂之于順從有恭與不恭之殊自非聖賢之

君不能擇其所可樂而非守道之臣亦不能盡其所當恭也。是則責難。國。人。臣。之。恭。而。受。責。又。入。君。之。聖。

仁與堯舜之外更無所謂難。責難之外更無所謂恭。一篇不脫仁。

與堯舜講所謂意全勝者。辭愈朴而文愈高也。錢吉士

讀其文可見忠孝淳深之意。楊維斗

結通章照末句。他處格君致主題。一語通那不得。

貴難乎

解

卷之四
 四
 五
 六
 七
 八
 九
 十
 十一
 十二
 十三
 十四
 十五
 十六
 十七
 十八
 十九
 二十
 二十一
 二十二
 二十三
 二十四
 二十五
 二十六
 二十七
 二十八
 二十九
 三十
 三十一
 三十二
 三十三
 三十四
 三十五
 三十六
 三十七
 三十八
 三十九
 四十
 四十一
 四十二
 四十三
 四十四
 四十五
 四十六
 四十七
 四十八
 四十九
 五十
 五十一
 五十二
 五十三
 五十四
 五十五
 五十六
 五十七
 五十八
 五十九
 六十
 六十一
 六十二
 六十三
 六十四
 六十五
 六十六
 六十七
 六十八
 六十九
 七十
 七十一
 七十二
 七十三
 七十四
 七十五
 七十六
 七十七
 七十八
 七十九
 八十
 八十一
 八十二
 八十三
 八十四
 八十五
 八十六
 八十七
 八十八
 八十九
 九十
 九十一
 九十二
 九十三
 九十四
 九十五
 九十六
 九十七
 九十八
 九十九
 一百

名家制義

廿乙册

錢

宜

灌

稿

題錢鶴灘稿

錢鶴灘少負異才科名鼎盛文章衣被天下爲制義極則世之所謂才者傾倚偏駁奔放縱橫其氣外軼其理內疎雖足以驚

世駭俗然率不能久鶴灘之文
發明義理敷揚治道正大醇確
典則深嚴卽至名物度數之繁
聲音笑貌之末皆考據精詳摹
畫刻肖中才所不屑經意者無

不以全力赴之夫有過人之才
必有過人之學學之不講少而
發榮老而衰落絕可憫也余觀
錢鶴灘唐伯虎皆恃才任達之
人而其文俱本學問成名之故

豈偶然哉

桐川俞長城題

名家制義目錄

桐川俞長城論次

弘治朝

錢福

好仁者無

二版

居敬而行

三句

文質彬彬

二句

上如揖下

二句

足縮縮如

一句

席不正不坐

非唯裳必

二句

過之事父

二句

安而后能

二句

過也

父為大夫

一也

是以聲名

尊親

三額左右

一句

出湯至於

二句

請野九一

自賦

卿以下必

二句

諸侯耕助

二句

古之人未

其道

其事則齊

二句

夫物則亦

二句

孔子登東

一節

春秋無義

全章

衆皆悅之

二句

歸斯受之

一句

經正則庶

一句

好仁者無

其身

錢

福

聖人論人之成德有以好仁之篤言者有以惡不仁之至言者蓋好
仁而物無以加則好之也篤惡不仁而物無所累則惡之也至人之
成德有如此所以難得也與夫子章若曰天下之道二仁與不仁
而已凡出于天理之公者不必皆同而均謂之仁凡出于人欲之私
者不必皆同而均謂之不仁自夫人有秉彝好德之心孰不知仁之
足好而或不能無不好者以拒之于內則所好為不篤猶不好也吾
所謂未見好仁者豈謂若人哉蓋必氣稟純粹而真知是仁之可好
其于仁也雖天下之物而無以加其好焉善惡其甚于水火甘于芻

而者字一插

○硬○依○大○金○

○先○就○清○仁○不○仁○下○講○好○仁○惡○不○仁○處○不○願○再○為○詮○解○

○從○源○頭○上○說○下○便○快○用○力○無○方○不○足○

秦力重而見外之輕得深而見誘之小生所好也而仁在于死則殺

身以成仁財所好也而仁在于施則散財以行仁推之天下之物更

有孰能尚之者哉好仁而無以尚之則其好之可謂篤而成德之事

在是矣自夫人有羞惡是非之心孰不知不仁之可惡而或不能無

不惡者以挽之于中則其惡為未至猶不惡也吾所謂未見惡不仁

者豈謂若人哉蓋必資稟嚴毅而真知不仁之可惡其為仁也不使

有一毫不仁之事有以加乎其身焉吾知其之如蛇蝎遠之如鴆

毒出乎波而入乎此不為不仁而所為皆仁視聽言動之運于吾身

也而或非禮之害乎仁者不忽焉以少累數色貨利之接于吾身也

而或不仁之妨乎仁者不暫焉。以少處微。極于纖悉之過。尚肯使之加乎其身哉。惡不仁者而不使加。則其惡之可謂至。而成德之事在此矣。然則夫子未見之歎。夫豈偶然之故哉。

太史公之文。所以獨高千古者。以其氣雄也。此文當觀其一往奔放。氣力勝人處。如徒摘水火芻豢蛇蝎鳩毒語為先輩訾議。則以小失大矣。艾千子

不但氣雄。其說理老寔周到。不肯欺人。恪守傳註。無一毫攸執。即有拙處。粗處。皆是真寔見到之言。義理足而氣自雄。單在氣上講。究便走入粗浮一路上去矣。

好仁者
錢

名教而行

三句

錢

福

大賢論行簡而獨可其有本者其所見亦深矣夫敬以行簡則簡為
有本矣大賢論行簡而以為可焉其有得於臨民之道哉聖人許
其南面者以以昔仲弓之意若曰居南面之尊臨萬民之衆其可以
制人教勝理真多事而自暖乎亦可以無事而自疎乎必也勿貳以二存吾心於端
莊靜一之中勿參以三置吾身於肅躬收斂之域精確使仁民愛物敏此
心以為之權度而後簡以臨之事幾雖曰萬端而沓至吾前吾則鎮
之以靜而自不見其煩擾也使安上治下收此心以為之主宰而後
簡以蒞之變故雖曰不測而紛來吾側吾則操之以約而自不覺其

叢委也。夫居敬則中有主而自治嚴矣。而行簡以臨民則事不煩而

民不擾矣。是則簡不徒簡而簡由敬出。舉其大而小者亦在所不遺。

至略也。而亦至密也。簡其有不宜者乎。敬不徒敬而敬與簡俱守其

約而博者。亦所不廢。至密也。亦至簡也。簡其有不當者乎。故雍之言

然蓋以簡之要約者。信足以臨民。雍以為可是。誠可也。非誣也。簡之

踈略者。信足以儆政。雍以為太是誠太也。吁。仲弓察理之明。聖人與

善之速。而見之矣。

居敬行簡字。的確。簡是敬中之緩急調理。尚未到事治民安

敬字中有運用。簡字中有條理。敬簡是二事。又是一理。此諸力

文質彬彬

二句

錢 編

聖人於處中之行必其為成德之士甚矣以行于身為文質行於身不能以處中也若

文質不相勝而相適者非君子能之耶夫子意曰夫人於持身接物

之時不能無威儀動靜之資斐然成章悉中乎程度而可觀者是文

也文勝質則史乃有適稱其文者焉確然篤實一本於惇樸無華者

是質也質勝文則野乃有適稱其質者焉以言貌語文質而用意矜

而便用辭絕不似近人語學者體認乃知其妙之中有恂者者寓覲恭敬之容似得其質矣而淑

愉者在是不野不史而彬彬適均非君子其孰能哉蓋其中之養

也有素而其德之成也有懌和順積中而文則其所發之英華也忠

文質彬彬 卷之九 論語 台真成

補海○精○

信篤實而質則其所行之胚胎也○渾然畢具而時出之○不知其孰為

○質○中○有○文○是○彰○摹○寫○的確

文孰為質而自爾其處均果何史而何野哉○雖然成脩而時措之不

知其孰有餘孰不足而自爾其相稱又果何損而何補哉○

文質乃就學者身上說○言動語默威儀文辭皆是○此所以屬之成

德之君子○今作文者皆一就世道奢儉制度文為上去○則便當屬

之作禮樂之天子矣○何以屬之君子○然後君子註云○學者當損有

餘○補不足○至於成德則不期然而然矣○蓋君子是見成贊語○所謂

德成而自然有此文質也○不是謂文質得中方為君子○此題時文

錯謬○誤矣○存鴛鴦○難作○以○式○之○世○千○子○

理真詞林品居最上。文至此方不致。之。然文定選此。余讀之十五年始悟其妙。文固不易知也。

文質彬 錢

如揖下如授

錢 端

有子坐。

手容之高卑著執圭之齊心。門人善記聖人也。蓋揖授之間心之
 所在也。約高卑而必真心齊焉。聖人執圭之敬何如哉。昔吾夫子為
 魯聘于隣國也。皇華命駕。既脫于衆魏之外。顓卬桓圭方執于通指
 之門。誠以是圭也。天王之所命。而一國之儀物存焉。先公之所守。而
 二國之符信係焉。鞠躬不勝。雖有以致其小心。而手容高卑自有以
 甲其恒度。自執圭之上而言之。心之上。乃以手揖人之地也。上而過
 揖。近于稽首。則過恭矣。吾圭所在。吾君所在。吾君于過恭。辱斯近
 焉。如為使何故。自入門以至于升堂上。必如揖圭首與執綬平也。奚

○翻○意○俱○精○

○執○王○高○卑○天○然○証○佐○

○口○詰○題○典○確○

有或肇焉以過高者哉。自執圭之下而言之。心之下。乃以物授人之處也。下而過授。戔于下帶。則近肆矣。吾圭所在。吾君所在。致吾君于近肆。禍斯臨焉。如為使何。故自通擯。以至于納聘。下必如授圭。未在前。襟間也。奚有或緩焉以過卑者哉。約高卑之間。而不過揖授之際。是手之所在。心之所在也。心之所在。圭之所在也。吁。一執圭而手容之中度如此。

恭肆二義。原本左氏。名論映清神而出。其不朽處。正不在刻畫。按禮執天子之器上衡。國君平衡。大夫綏之。士提之。夫子代魯公執圭。則當平衡。贊大行曰。圭九寸。圭上端不過揖。圭下端不過

最近作手有上下者非此文云圭者與統經乎圭味在齊襟間乃
知前輩看書精鑒兩

韓求仲

端嚴簡古如見聖人楷法之象。豈有執君命圭忽上忽下之理。
後生看書須具細心須具慧眼。

上如揖

禮

足縮如有循

錢 隔

聖人足容之慎重。聖人執圭之小心。甚矣。聖人執圭之小心也。
舉足之際而不容以輕焉。宜門人以縮。如有循而曲狀之與想。
吾夫子為君聘于鄰國也。當擯分之既通。執命圭以入。聘鞠躬不勝。
既致敬于其身上。揖下授。又致敬謹于其手。若其足容則何如哉。吾知
入彼公門以濟于堂。非舉足則莫能稍前。而亦非圭步之能蹴至圭。
王在執。稱齊固所不暇。而北面將命。盛辟亦奚容施。使于是而疾以。
傾仆焉。吾可傷也。而國之圭不可傷也。使于是而徐以。逶迤焉。吾可。
緩也。而君之命不可緩也。于是酌疾徐之間為縮。之步趾雖舉而。
○細○意○精○
○所○察○通○取○縮○上○之○故○
○頓○佳○足○字○
○提○舉○全○通○

踵○未○離○左○欲○後○而○右○已○離○雖○曰○墜○階○納○陛○而○拾○級○以○上○未○嘗○有○尺○寸○
之○離○蓋○舉○雖○促○而○步○則○決○也○雖○曰○由○闕○過○庭○而○連○步○以○升○未○嘗○以○位○
著○而○間○蓋○行○雖○前○而○武○則○近○也○彼○左○右○紹○介○之○士○締○觀○威○儀○但○見○其○
躬○之○進○而○不○見○其○足○之○行○若○有○物○所○緣○雖○欲○離○地○而○不○能○得○者○焉○彼○
環○列○大○僚○之○徒○詳○觀○禮○容○但○聞○其○佩○之○鳴○而○不○得○其○履○之○蹈○若○有○物○
相○附○雖○欲○去○地○而○不○可○得○者○焉○謂○之○曰○如○有○循○信○乎○準○前○曳○踵○而○慎○
重○之○至○矣○

蹈○言○足○不○離○足○如○有○循○言○足○不○離○足○兩○層○準○焉○方○得○入○神○而○

變○不○窮○試○看○此○文○精○細○處○

聖人至正之心一居處之間而可見也夫聖人本不期于居之正也

心安於正而自不敢忽耳此門人所以為善察也與想其意豈不曰

斯道之在天下也一作一止莫非斯理之所貫也而自莫非夫人心

術之所見也但其心邪以僻者則多委於歌曲而不自知而動始求

正者又或忽於細密而莫之覺是皆心之未安于正也聖人則不然

其居安之體存於中者吾固不得而窺也而觀其一即席之間亦必

以正而後坐焉其居處之恭見於外者吾亦不得而擬議也而即其

一踐履之間稍有不正則不坐焉東向西向或南方為上也而所以

點染處

居之以正者則固在也。側席專席。或有時而變也。而所以居之以正者。則固在也。是豈聖人之心。有期于必正哉。蓋隨寓而安之意。流行於日用之間。故一遇所處。而若以是為安者耳。使其稍有期必之心。則聖人之心。亦滯於物矣。亦非以是為不安。而必欲去之也。蓋安土敦仁之妙。顯設於動靜之際。故不擇所處。而若以是為不安者耳。使其少有固我之心。則聖人之心。亦執於方者矣。故人但見其正席先嘗以為處君之賜。然也。而不知于敬君則尤為可見耳。由是推之。而不正不食。孰非此意也哉。人但見其齊必遷坐。而謂交神之禮然也。從坐字先別

從席字先別

敬君敬神二義又托得宏濶

餘意好

然則即是心以觀聖人則聖人之心亦可得而見而執是迹以味
聖人則失聖人之甚矣此門人所以為善于體察與
純從側處瀾貼却見聖人正身純從小處摹寫却見聖人全量先
輩真不可及。

席不正

錢

家制義

上

非帷裳必殺之

破亦不苟

殺 緇

服有非朝祭而居下體者。聖人所不苟也。蓋服非朝祭則易於忽。若下則近乎賤。聖人於此儉于殺而完其旁。豈肯苟焉而已哉。門人記之以謹衣服之制。可謂精矣。何則。上衣下裳取諸乾坤。黃帝堯舜之所垂也。文武周公之所定也。及周之衰。家各殊俗。其于上衣之制。章采異施。領祛殊級。致謹之者有矣。下裳之賤。孰不忽易之乎。其于朝祭之裳。踵數所麗。鞞綬所懸。致辨之者有矣。惟裳之小。孰能檢察之乎。惟我孔子。則以朝祭之裳貴乎直方。故正幅如帷。雖費而不及奢也。自此之外。何以取義于正幅而為是奢。且僭耶。于是省為削幅。曰

○正幅○是○一○層○

○裳字惟○字逐層清出○

○開○局○正○大○又○移○不○到○別○句○

○此○句○下○一○層○有○開○係

自是之後天下無不誦而慕之者且謂明王吳省然則

平則非月千傾以隨祭之堂貴平直女姓五神賦謝觀貴而不久存

○五の部の美の二の部の

卷之五 訓の美の二の巻の二の
 一 舉朝の美の二の巻の二の
 二 訓の美の二の巻の二の
 三 訓の美の二の巻の二の
 四 訓の美の二の巻の二の
 五 訓の美の二の巻の二の
 六 訓の美の二の巻の二の
 七 訓の美の二の巻の二の
 八 訓の美の二の巻の二の
 九 訓の美の二の巻の二の
 十 訓の美の二の巻の二の

[illegible]

也垂也人九國公之德求也凡周之齊魯各制領其千土亦之師章

[illegible]

不傳立千劫望人共此會于終品宗其義是肯落無西口劫門入

艮
 非
 臍
 登
 而
 豕
 不
 豔
 昔
 墮
 入
 危
 不
 荷
 上
 盖
 洲
 非
 臍
 登
 而
 豕
 不
 豔
 昔
 墮
 入
 危
 不
 荷
 上

知亦不荷

御覽心錄

紅天月

以齊視要上則殺乎其下矣如帷之幅要齊同廣故褻積就要雖華

而不及靡也既用削幅何所設施乎褻積而為是靡以混耶于是旁

無褻積而要○有殺縫齊亦禡如其下齊矣殺其幅而不嫌于斜裁之

分裂昭其儉也先王之制無之不敢增也殺以縫而取紵于前後之

聯屬貴其完也先王之制有之不敢缺也完且不費以之為私朝之

服則便以之為小寢之服則安以之為中衣則狐以之為明衣則素

自朝祭之餘凡裳之制孰有不出于是哉門人以必之一字為言可

見聖人一衣縫之間一布升之貴無有所苟焉不慎其公而忽其私

詳其上而畧其下無所不用其駁焉非善觀聖人而善言法制者

可。是。以。及。此。

時手沾此題。重發惟蒙。以非字必字。反然。號為冠冕耳。此獨句。從非字必字。正面發揮義理。文尚精細。不尚浮廓。惟先輩為然。

非惟蒙

錄

Blank page with faint vertical lines and a large, dark, irregular smudge or ink blot in the center.

通之事父

二句

錢 福

內有以資其孝外有以資其忠此詩所以當學也蓋學以明倫而詩則無不脩者也事父事君不學詩而何資乎昔夫子勉人學詩意謂夫人倫之道莫脩于詩而人倫之大莫脩于君父是故以國而視家○則○活○家其近者也一家之中惟父為大焉事之一道豈易盡乎蓋必咏蓼莪之篇而後知親有罔極之恩○句○中○有○骨○不○是○一○味○寫○填○不得乎親真不可以為人矣誦小弁之什而後知親無可絕之理不順乎親真不可以為子矣感發於陟岵之思奮激于凱風之悔責與凡六義之所規諷者何莫而非資其事父之孝者乎詩之道非止于父也而重乎父以父而言則在家

之倫如夫婦之琴瑟兄弟之墳簠皆脩之矣以家而視國上其遠者

也一國之中惟君為尊焉事之上道豈易能乎蓋必涵泳夫天保之

章而忠愛之意以興將順其美務欲兼吾曆于夏商焉優游于卷阿

之敵而規諫之情以得匡救其惡務欲納吾君于唐虞焉讀四牡而

靡盬于王事誦蒸民而匪懈于夙夜與凡三經之所美刺者何莫而

非資其事君之忠者乎詩之道非止于君也而重乎君以君而言則

在國之倫如友生之相求賓主之式燕皆脩之矣是則內而事父外

而事君學之為道無以加此而詩皆脩之若之何而不學夫詩也耶

言父止釋命之大者言耳如此補題非先輩無此眼光艾千子

凡作經學題。須融徹全經。則立論有根據。會該括內實外。腴一望。而有書卷之氣。若勦襲成章。終如貧人治具。捉衿肘見耳。如此文。方可當湛深經術四字。

通之事 錢

去而后能

二句

錢 福

學步而有以精其思、精思而有以造其極、蓋學貴得所止也、而得原
於慮、原於安、何莫而非自然之序哉、今天大學之道、以至善為標
準、止于至善、以知止為門、戶知止而安、吾知其起居食息、蓋無往而
非道之寓也、從容閒暇、不因物而遷窮、通待喪、蓋無適而非義之順
也、優游泮、渙不擇地而處、由是事之來也、雖曰千緒萬端之不一、而
○慮○字○確○權度精切、無毫釐之差矣、物之至也、雖曰千變萬化之不齊、而區處
適宜、無錙銖之爽矣、其能慮也、何如既安而慮、吾知其極深研幾、孰
○慮○字○進○一○層○是孰非、斷乎其可識也、何疑似乎研精覃思、孰可孰否、瞭乎其可悉

也何舛繆乎。由是明德之中有至善焉。雖不可以一蹴至而已。在吾
躬行中矣。新民之中有至善焉。雖不可以一端求而已。在吾運用內
矣。其能得也何如。是則安慮于先。能得于後。此止至善之由也。
禪宗盛行。便謂知止能得已了。却天下事。不知此後煞有推行運
用功夫在。此文曰。雖不可以一蹴至。等語。看見先輩明學。寔不
苟簡。虛譚。處安字。屬身凡震川諸先輩。皆依註用之。
艾千子
截然兩扇。兩扇中各有四小比。每比有意。不蒙混。不重複。約而該
寔。而精。與嘉禾排比文字。相去千里。

父為大夫

一也

錢 楷

聖制葬祭喪服之禮各惟其分而已蓋禮莫大于分也因分以盡

情其善于推已及人者與中庸述周公以明道之費隱意謂周公之

一語微上

一語望題

制禮不惟考以事先人而且孝以治天下是故自葬祭之禮言之如

只四字

寔益俱典確

父為大夫子為士與則葬以三月稱有家也而祭之則禮惟三鼎爾

字法

字法

矣樂惟二份爾矣雖禴祭也而君子不以為隘如父為士子為大夫

與則葬以踰月明有位也而祭之則禮用五鼎爾矣樂用四份爾矣

只三字

一句一意

雖脩物也而君子不以為隘蓋葬從其爵反始也貽死者以安也祭

義字確

從其祿致愛也伸生者之情也何莫而非協于義哉自喪服之禮言

之期之喪達乎大夫何也是諸父昆弟之喪也○只○八○七○字○其分殊者其情疎而

大夫則降諸侯則絕焉三年之喪達乎天子何也是父母之喪也其

以虛對寔

恩深者其服重而貴不加損賤不加益焉蓋服有降絕貴也所以

情字○確

曲而殺也服無貴賤親也所以經而等也何莫而非達其情哉且

只○八○字○應起

則奠祭以爵祿而定者追王上祀之遺意也喪禮以貴賤而別者天

理民彛之至情也信乎禮通上下而為作者之聖與

文之能繁而不能簡者非才有餘正才不足也細看此文有他人

千百紙說不盡處馬君常

練百字成一字鍊石句成一句高簡古質一代典型吳兩來尾

初看兩大比也。兩大比中各兩長比。各兩短比。自相對偶。兩結起。而此收結。排之密。裁剪之老。鑄鍊之工。古今無兩。

父為大
錢

父燕人

雙

西山先生集卷之五

既育而大出也。而大出中谷。而昇出谷。而豎出。自吐。遂出。而請波。

是以聲名

尊親

錢福

中庸贊聖人之被於下者別言之而無間。舉人心之歸乎聖者極言之而無遺。蓋中國變類雖若有別而聖人之譽施已無間矣。則夫人心之歸聖人者雖兩間之無際而豈有或遺哉。中庸論天下至聖而終以此意極至矣。何則。天下至聖之德克積既極其盛而發見尤當其可。是以實大而聲宏。功高而施溥。其聲名所在。非特昭彰于一邑一邦之間也。而實瀾漫洋溢于輿圖之所及。蓋自侯甸以至于要荒。○此○伏莫不知其聲名焉。曰。聲名者良以中國為有知而近者功不足言故。○亦○備○矣○舉聲以表實耳。其恩施所及。非特宣著于衣冠文物之都也。而實漸

波沾濡于薄海之裔夷益自南蠻以至于北
 獬莫不被其德澤焉曰
 施及焉者良以蠻獬為無知而遠者聲不足盡故舉施以見功耳夫
 中國蠻獬可謂遠矣然別而言之若有遺也孰若舟車所至人力所
 通之為無遠不到乎舟車人力可謂極矣然至而通之若未盡也孰
 若天之所覆地之所載之為極盡無遺乎極之于日月所照之下窮
 之于霜露所墜之中是惟無血氣者耳凡有血氣而為人類者莫不
 尊之為元后而何一人之非其臣乎是惟非人類者耳凡為人類而
 有血氣者莫不親之為父母而何一人之非其子乎是則中國蠻獬
 人之所被者雖隨地而有別至于凡有血氣莫不尊親則極其也

蓋予人而無遺矣。非天下之至聖其孰能與于此哉。
荆川先生評云：凡有叙事上下互見者，作文須當法此。吳後齋評
云：題本直遂，而轉換議論，抑揚頓挫，如層巒疊嶂。二評至矣。予無
以益之。又予予。

委蛇頓宕，氣味絕似南豐，而清削雋冷處，又得歐公之意。此等
題辭忌侈浮，格忌凌駕，先輩斲然不犯。

是以聲錢

...

This image shows a blank, aged, cream-colored page, likely an endpaper or flyleaf of a book. The paper has a slightly textured appearance with some faint smudges and discoloration, characteristic of old paper. There is no text or other markings on the page.



10

王頤左右而言他

錢 偏

時君不答大賢之問其有為之志荒矣蓋志于有為者必急于求
治也齊至于孟子之問頤左右而言他焉焉是有為哉昔孟子憂齊
治之不振冀宣王之改圖故先以二事發之而及四境之不治欲王
○跌○左○右○字○他○字
及求諸身也一何王也知其為己之責而不能直受以為過徂于苟安
○頤○起○言○他○
之習而不能好問以圖新其中心之慚不容自己也乃左之右之惟
旋視以自解石之右之徒回顧以求安雖未必有可頤之形而內省
○籌○寫○入○神○
多疚不敢直視孟子以為容則不能不假之以頤矣此其知耻之心
不形于自責之勇而施于左右之頤以釋己之愧也如此然猶懼孟

○下○錢○剗○更○毒○

子之說復及之也乃釋此不答而別舉一事以開提議之端○舍此不

言而遽更其端以塞箴規之口○雖未必有當言之急而忠言逆耳將

因其言而止之則不容不假之以為言矣○此其論事之際不急于為

國之圖而願為無益之談○以亂孟子之辯也○又如此夫○曰境之不治

誠愧之則亦先自責而務于自修耳○矣○左右之願何為哉○苟為治之

大道我未知之○則亦因其弊而求盡其詳可矣○他事之言何為哉○要

○小○此○度○淺○峭○厲○絕○倫

之惟自修斯可免愧不務乎此而徒願左右愧終不可免也○惟盡言

斯可忘言不知切問而徒述他事其說將益長也○

七字作一句讀○題情便呆○劃開兩樣摹擬刻○
露看停齊王又發鈍
又狡繪鬚眉如生

由湯至於

七作

錢 編

繼世而有明君之迭興此商道之隆也夫英明之君不世出而迭
興于商代則商道可謂隆矣文王與周之難不以此乎孟子曉公孫
丑曰文王非無能王之德而商非可王之時試觀其先世乎正萬邦
而革夏命開久大無疆之基者則有成湯為之祖克鬼方而靖殷
紹累世熙洽之治者則有武丁為之孫由成湯而來相傳魯幾何時
不過二十餘世而已自武丁而上流衍寧幾何年不越四百餘祀而
已然二世而有克終允德之太甲七世而有嚴恭寅畏之大戊穆
皇不持一二其人也十一世而有恪謹天命之祖乙十二世而有

紹復大業之盤康繩々終々蓋有六七其人也。夫以一成湯固足以經○圖○基殷之根本而况復有武丁乎。再一武丁已足以壽殷之命脉而况東○救○詔○尊○重○典○與○麗○中○樞○批○宕○之○致○真○西○漢○文○字○更有六七君子前作後述而奕葉重光。祖聖孫賢而後先相望。此所以延天命于無窮。固人心于不失也。文王值此之時而由百里起。顧可易乎哉。

用字愈少。用意愈多。如旭掛若木。滄々涼々。光彩已經天矣。韓求仲氣魄法律神韵俱可配班固年表。王作宏而嚴。此作簡而肯。不相上下。

大賢告時臣田祿之法欲其隨地而異施也。甚矣法不可不善用也。然則貢助之法其可以槩施之哉。孟子告畢戰意謂分田制祿不可偏廢固也。至其所以推而行之。又有行乎其入者何也。殷之法助法也。田以井授。其外八區為私田。其中一區為公田者也。願惟野外乃平泉曠野之地。於助為宜。况莫善於助。又有不可不行者。子請子之。○此○此○俱○一○下○看○君臣其在野也。為公田而行助法。畫地而井之。計畝而分之。借人於野人而用其勞。助耕於公田而寬其征。一如殷人之所以取民者而○筆○六○奇○矯○以之治野。而取吾民使夫都鄙之人情土俗皆無不宜。二君子之養○心○下○潤○澤○

即此而在焉斯已矣。夏之法貢法也。田不井授。於其常產之中貢其
十分之一者也。○得○妙○○惟國中有山陵林麓之阻。於貢為宜。雖莫不善於
貢。豈終得而不行乎。請子之君臣其在國中也。使什而自賦其一度
田而授之。計畝而入之。雖無公田之名。而其所賦者猶夫公田也。雖
無井授之實。而其所賦者猶夫井授也。一如夏人之所以取民者。而
以之治國。而取諸民。使夫鄉遂之人情土俗皆無不宜。而君子之養
即此而在焉。斯已矣。當助而助善者。固善也。當貢而貢。雖不善者亦
未嘗不善也。向使以貢用之。野固不免於病民。○補○筆○圖○匪○○此○是○善○子○法○古○處○
至無法可用者。我希矣。豈得為善用法哉。戰也勉之。

用竹園貢。夫子立言便包下。潤澤二字文亦隱見此意。陳

目史
規制詳明。筆法靈變。妙處全在用虛。

請野九錢

廿乙冊

廿七

劉大川

以下必有圭田

錢 福

仕者之後有奉祭之田，所以厚君子也。夫祭以報本而田以奉祭

也。世祿常制之外而有是焉，加厚之意何如哉？孟子告畢戰曰：世祿

之制，滕已行之矣。而圭田之制，所未脩也。故一國之內有三卿矣。而

卿之下有大夫焉，有士焉。曰：卿曰大夫，官雖殊也，皆嘗戮力王室而

功在社稷者矣。曰：大夫曰士，職雖異也，皆盡心國政而德及生民者

矣。可使其既沒而氓之乎？夫世祿之典，固有以及其子孫矣。而非祀

則莫之報。子孫之祀，固欲舉于宗廟矣。而非田則莫之供。于是有所

謂圭田焉。必曰：圭者，取明潔以奉祭祀之意。必曰：田者，給賦稅以為

名家制義

上孟

可保堂

祭祀之需。或與之以都鄙之田。則由助法而取乎公田之入。或與之以鄉遂之田。則由貢法而取夫十夫之耕。所以脩衣食而修邊豆也。烝嘗之禮。自此而舉矣。報功之意。不亦盛乎。所以給祭盛而供犧牲也。祀禴之典。由此而行矣。崇德之意。不亦厚乎。夫卿而曰下者。不專予卿也。賢而有功之臣。該之矣。田而曰圭者。不專于潔也。報功致敬之意。寓之矣。先王制禮之周。忠厚之意。固有見于此哉。予之以都鄙。由助法。予之以卿遂。由貢法。不專于卿。不專于潔。皆先輩補題寔落處。學者如此作文。方見設身布置處。艾千子

侯耕助

二句

錢 福

賢述有國家者之禮有以脩祭物者有以脩祭服者蓋耕助以耕
 桑盛則祭物以脩蠶桑以為衣服則祭服以脩向使諸侯而失國其
 何以脩是哉宜孟子述禮以明其當弔也意豈不謂所貴乎有國家
 者以其能守宗廟之典籍云爾○精○句○祀事勿脩其能國乎是故祭必脩物
 所以昭世德之馨香致恭故也○四○字○服○目○而况諸侯立國正以率臣民而奉先
 者桑盛之事其可委之他人乎故東作方興為諸侯者則服鷩冕七
 章祗造藉田之有畝秉耒耜以有事而庶人助之○虛○字○承○接○好○西成納御廩以
 敬藏而宗廟藉之庶薦於以實簠簋而誠敬流通於以格神明而儀

物○至○若○是○者○豈○故○為○是○飭○勞○哉○詩○多○故○實○一○句○收○出○主○意○不○如○是○不○足○以○重○其○事○也○夫○祭○必○
易○服○所○以○脩○文○章○之○法○象○致○齋○明○也○精○句○而○况○夫○人○具○官○正○以○相○夫○子○而○
主○必○者○祭○服○之○事○其○可○委○之○他○人○乎○故○蠶○事○告○始○為○夫○人○者○則○因○公○
桑○之○既○蚕○躬○受○世○婦○之○所○獻○居○千○乘○之○匹○而○三○纁○動○於○幅○縢○布○三○宮○
之○閒○而○萬○杼○同○於○卒○事○於○以○成○黼○黻○而○裸○獻○之○是○將○於○以○表○文○章○而○
對○越○之○可○服○若○是○者○豈○好○為○是○勞○苦○哉○不○如○是○不○足○以○成○其○禮○也○吁○
諸○侯○之○脩○祭○物○祭○服○者○如○此○以○其○有○國○家○耳○苟○失○國○家○則○不○克○脩○而○
廢○其○祭○弔○其○君○不○免○矣○士○之○失○位○而○不○得○祭○何○以○異○此○而○獨○弗○弔○乎○
考○核○古○典○而○運○以○鴻○臚○彼○楊○腹○者○安○能○發○義○如○此○是○以○知○制○義○不○

寧古譬之聾瞽徒受人憐

陳百史

取材雖博全在數提掇句收束句。見典貴之色。若一櫛修詞。知有
失自作之文。則耳為聲引。目為色眩。其去聾瞽不遠矣。

諸侯耕 錢

名家制義

上孟



卷之六

正

卷之六

卷之六

古之人未

其道

錢 福

仕以求祿而進必以禮焉蓋仕者人之所欲古人固不異於今人也
 然進之不以其禮又古人之所惡焉大賢傷今思古謂夫委質為臣
 仕以求祿豈但今人之所欲哉古之人未嘗不欲之也何也蓋不仕
 則潔身以亂倫無以行吾忠君之義不仕則無田而廢祀無以盡吾
 孝親之仁是以古之君子三月無君則弔汲汲焉恒欲見用于世有
 如男子生焉而願為之有室也出疆載質以行望之焉承欲有為于
 時有如女子生焉而願為之有家也是則人心有古今之異而欲仕
 之心則無古今之殊古之人亦何嘗異于今之人哉但古之君子其

歎○字○即○然○類○字○妙○
 古○之○人○三○字○預○首○

上○二○節○寫○欲○字○明○切○
 節○來○自○然○

古○之○人○正○與○君○子○二○字○對○針○

出處之分明去就之義審又於所欲之中而知有所惡焉○從○欲○出○惡○字○義○清○晰○蓋士之願

仕猶男女之願有室家也仕不循夫天理之正而屈已以徇利是不○由○

待父母之命也則又君子之所深惡焉雖曰急於欲仕豈肯由是以

出哉進不由乎道義之公而枉道以急義是不待媒妁之言也則又○惜○上○引○証○妙○不○犯○下○

君子之所深疾焉雖曰亟於得祿豈肯由是以往哉○句○于古之君子雖

未嘗不仕而又不苟仕如此上其所以難仕也與

始終用客語代題未嘗字又字層上○陳百史

此皆正意非客語也筆上點染上文不增一意可悟先章省語

其事則齊

則史

錢 福

大賢論春秋之作○有事之存乎人者○有辭之存乎人者○蓋史之為書○

不過載其事○文其詞而已○春秋之作○曾謂外此以為書哉○昔孟子論

孔子作春秋之事先此○意謂史之為書○各有名○而春秋則魯之史也○

然書不可以空言其無所載之事乎○春秋之時○五伯迭興○桓文為盛○

故即其書之所載者○或與師責貢以糾合乎諸侯○或伏羲執言以號

令乎天下○救舊恤患○則遣聘而通問○報怨疾仇○則圍地而侵國○日食

天之變也○書皆有之○有年時之豐也○書皆存之○自始至終○歷二百四

十二年之間○與桓文為先後者○比其迹而可觀○在桓文為同伯者○合

其功而可考使春秋無桓文則無以為春秋矣然事必假乎言傳其

無所繫事之文乎古者列國皆有史官掌記時事而詞之所云者功

業垂之典墳皆其史之所見聞言行歸之簡編皆其史之所潤色或

○五傳已具二項在內非又說○世家列傳○也

世其家而父子之政事昭著於當時或列其傳而臣子之志節明白

于斯世事可紀也紀則史之迹可傳也傳亦史之降隱迄哀更歷一

○借○上○先○作○對○又○鶴○雄○巧○未○

十二君之間先後于桓文者則先後其事同伯于桓文者則同伯其

事使春秋無史官則無以成春秋矣因時而立政隨事而有作其事

其文如此若夫史外傳心之妙不有待于孔子筆削之義哉

單舉桓文猶四時專舉春秋也言桓文不獨秦穆楚莊宋襄在內

即晉悼晉平吳夫差與夫大夫專盟陪臣執政歷十二公國之
胥在其中時文專誦桓文可謂以詞害意矣吾皆汰之惟歸唯先
主作不犯此艾千子

截然二扇中開無數法門。文貴實做正面做正面則本領透露
而才法因之以生。鶴灘先生最好用實然如此文收頭上語收未
教語何曾不玲瓏不俊偉今人本領不濟未做事字文字先要偷
義字不知無事無文議安從取陋甚。

其事則 錢

夫物則亦

二句

福

大賢即食性有同于長而詰其由中者所以深辨義外之非也蓋
炙在外而嗜之者在內猶長在外而長之者在內也告子知食為性
而以長為性外宜大賢因其所明而通之與吾想其意蓋謂以令
却是此類入心脈
為性汝之所明而以義在外則汝之所蔽汝徒知長楚人之長亦長
矣○此○出○此○句○妙不○承○上○
吾之長于人為然也而不知物亦有然者焉夫楚人之長猶秦人之
矣也○吾之長猶吾之炙也○以人言之楚人之長則長之吾之長亦長
○此○先○開○
之固無分于彼此矣以物言之秦人之炙則嗜之吾之炙亦嗜之不
此○此○間○
亦有同然者與由是言之楚與我相去遠也其長同則同長之是固

汝○之○所○謂○因○乎○外○矣○此○比○開○秦○與○我○相○去○遠○也○其○炙○同○則○同○嗜○之○是○亦○有○因○

乎○外○者○與○汝○以○食○為○性○蓋○以○炙○雖○在○外○而○所○以○嗜○之○者○寔○本○于○中○也○此○下○雖○四○比○實○兩○比○長○短○對○法○此○比○開○

至○于○以○義○為○外○獨○不○曰○長○雖○在○外○而○所○以○長○之○者○不○由○于○我○乎○嗜○近○兩○字○接○前○此○比○開○

乎○愛○仁○固○可○以○為○內○矣○炙○同○乎○長○義○獨○可○以○為○外○乎○吁○為○告○子○者○不○

知○何○如○其○辯○以○復○吾○孟○子○也○道○辭○知○其○所○窮○非○孟○子○不○足○以○折○之○

緊○語○原○不○難○在○自○首○入○尾○層○層○遞○進○看○其○由○緩○入○急○由○淺○入○深○

處○此○千○子○

上○四○比○從○長○上○說○到○嗜○炙○下○四○比○從○嗜○炙○說○到○長○上○須○看○他○對○偶○

處○長○短○奇○偶○開○闔○迷○離○錯○綜○之○妙○

孔子登東

一節

錢 補

大賢於聖道之大必先擬之而後質言之也夫道莫大于聖門也遊
之斯知之矣大賢擬之而後質言之有以哉其意曰孔子以天從之
資承羣聖之統道莫有大焉者也欲觀聖人之道胡不即登山者以
觀之乎躡東山之巔則魯地之七百一覽無餘復泰山之巖則禹服
之五千徑目可得何也所處益高而視下益小耳夫登高既不足于
下視大必不足于小欲觀聖人之道胡不即觀海者以觀之乎鼓楫
于南溟則河濟孟津之險視若衣帶揚航于東渤則洞庭彭蠡之浩
渺若蹄涔何也所見既大則小者不足觀耳聖人之門妙道精義鍾

馬○猶○地○之○有○東○山○太○山○也○猶○水○之○有○滄○海○也○遊○聖○人○之○門○見○聖○人○之○
○二○語○後○全○体○大○用○
道○然○後○知○其○可○放○可○卷○而○天○下○莫○能○載○可○行○可○藏○而○天○下○莫○能○容○有○
家○之○說○坐○見○其○偏○諸○子○之○論○頓○覺○其○弊○其○與○登○山○觀○海○者○何○以○異○哉○
○并○應○一○筆○竟○佳○老○絕○

題本詩家比興之體故文以此興還之尤要在將末句另辭不似
時文從講成四句文字也聖道真能載莫能容將雄為言三字不
拘泥聖言上尤屬先輩老識矣
艾千子

文之高處亦在我喟天半
韓求仲

直起直止絕去支蔓變化裁剪一從乎心簡約冲淡而氣象萬千
何等神力○畢說孔子以其道之集大成也起二語亦見本領

春秋無義

全章

政福

聖經不與諸侯之師。以其不知有王而已。夫所謂義戰者，必其用天子之命者也。敵國相征，則無王矣。人之稱斯師也，何義哉？此春秋尊王之義，而孟子述之以詔當世也。蓋曰：夫春秋何為者也？夫春秋假魯史以寓王法，撥亂世而反之正，如斯而已。是故來戰於郎，戰于艾陵，戰之終始也。鄭人伐衛，楚公子申伐鄭，伐之終始也。然或諱不書敗，或雖敗不諱其辭，不同要皆隨事以示誠而已。以為合于義而許之者，誰與？或稱人以賤之，或稱師以譏之，所書不同要皆因文以見衷而已。以為合于義而許之者，誰與？但就中而言，若召陵以義勝而

魯史以寓王法

撥亂世而反之正

如斯而已是故來戰於郎戰于艾

○此○清○戰○伐○二○字

冒目○分明

義例詳確

○敗○或雖敗不諱其辭不同要皆隨事以示誠而已

○之○者○誰○與○或稱人以賤之或稱師以譏之

○所書不同要皆因文以見

猶有借名之力。城濮以威勝而不無假義之功。則固有彼善于此而
已矣。而要之皆非義戰也。是何也。天下有大分。上下是已。天下有大
權。征伐是已。然其分也不可得而犯也。其權也不可得而僭也。故諸
侯而有賊殺其親。則正之。所以正之者。天子之命也。而大司馬不遇
掌其制而已矣。諸侯而有放弑其君。則殘之。所以殘之者。天子之命
也。而方伯連帥不過修其職而已矣。惟辟作威而勢無嫌于兩大。
君有命而柄不至于下移。是征也者。上伐下之謂也。未聞敵國而相
征者也。敵國相征。是無王也。無王是無義也。春秋之戰。皆敵國而相
征者也。此春秋所以無義戰也。然則春秋之諸侯。不肯先王之罪人。

孔子之春秋其容已于作耶
取廬陵老泉春秋論此之有何古今之分取伊川康侯春秋序文
之有何醇駁之別誰謂時文不及古文也

春秋無 錢

冬家告終

丁丑

不皆悅之

笑之

錢

編

士之不知止也。小人是之。君子非焉。夫當止而止，斯不為君子所

非矣。宜孟子即此以喻發棠之不可復也。意謂君子圖天下之事有

理存焉。理當為而不為，則失人。固不可當止而不止，則失已。尤不可

方衆人復以搏虎望馮婦，而馮婦之攘臂下車也，自衆人觀之，獨不

以為有能者。多自秘愛身者，不殉人。吾求之而彼不吾應，亦未如之

何也。已矣。自斯人之攘臂下車，而知其有燕人之勇也。而知其無自

秘之私也。知其情，徇夫輿情有功於茲役也。蓋感而悅之，同然一心

矣。不知由為士者觀之，則必以為悔過者當不二遷。善者貴克終，彼

求馬而吾不彼應抑亦庶幾其能改矣。自斯人之攘臂下車而知其
○四○意○舊習之猶存也。而知其前功之盡棄也。知其失保終之守無審處之
明也。雖欲勿笑安得而勿笑哉。以我在齊之所處如此而復為騷棠
止所謂不知止者將不免流為馮婦之歸而取天下後世為士者之
譏也。而子為我頭之乎。

兩截排對而流動如走盤之珠。當由神冷。非以意索也。文千子
兩比上下連環似對似不對。一比首尾呼應似頂似不頂。不細觀
秦漢文字不解此法。

歸斯受之而已矣

錢福

一有及正之誠即納斯道之內此大賢之待異端也夫異端所以為
異端正以其外吾道耳一反正則亦吾徒也豈復論其類哉孟子急
於引納異端也如此且夫出乎此則入乎彼入者至之則出者亦之
此理勢之自然也○便○見○洋○不○容○不○受○盈天地間孰有能出吾仁之外以為生哉墨氏學
仁而差之兼愛將流於無父而自去其仁耳今而悔其差而求入於
吾儒之仁是久出而乍歸也又孰有能越吾義之外以自立哉楊氏
學義而差之為我將流於無君而自越其義耳今而悟夫是而求入
於吾儒之義是以離而乍返也○單○句○夫當其差之上時吾固嘗憫其同有

受之之心自在

是仁而不知也。茲幸悔其差而惟吾仁之歸。若極溺救楚惻恒無地。

豈暇顧其餘哉。即慨然納諸吾儒天下之廣居而與之共居使彼垂

又見不後受
又意愛切

愛之非消蕩無餘而後已。此非分我所有以與之也。因彼之所有

引正其岐耳。吾亦嘗憫其同有是義而不覺也。今幸其覺吾是而惟

吾義之歸。若還珠返璧驚喜不勝。豈暇論其初哉。即慨然納諸吾儒

天下之大道而與之共由。使彼為我之邪。掃除盡淨而後已。此亦因

彼所無而益之也。即彼之所具而飲迪其路耳。是則墨而歸仁。墨即

吾徒也。吾受之則墨而儒矣。揚而歸義揚即吾徒也。吾受之則揚而

淡而
淡而
淡而


儒矣。和正之途一明而從入之機立矣。孟子之闢異端其果闢之也。

耶其果教之也耶

人只說受之法此獨說受之之心斯字乃活。若云植吾道之助。殊異端之黨便是權然作用後一段愛惜憫惻處折寓乃見聖賢血誠。

歸斯受

錢





顧
東
江
稿

題顧東江稿

東江潔已奉公恬澹樂道故其
文亦有高峻之風凡在科第者
以受知大賢爲榮以識拔多才
爲雋一不可得况於能兼東江

登賢書主司爲王文恪捷南宮
主司爲李文正及丁丑禮闈拔
得倫舒崔汪諸君子並有名當
世師弟淵源可謂極盛而已復
以文章配之所以光前而裕後

也在史館時與修實錄劉李兩
奸事直書無隱南史倚相再見
於明而况制義之末乎余輯其
文而記其事蓋科目之華館閣
之盛均有取焉非徒以文而已

桐川俞長城題

名家制義目錄

桐川俞長城論次

弘治朝

顧清

學而不思

一節

子謂韶盡

二句

邦有道危

二句

敬大臣則

六段

邠人曰仁

歸市

天下之不

害之

為王誦之

知而使之

知也

民為貴社

一節

學而不思

則殆

顯

清

聖人論學與思廢一不可也。夫君子合內外而成性者也。思也學也。

可偏廢哉。且君子所當用力者。心與事而已矣。心原於一而足以官

天下之理。事散於萬而實不外於一心之微。是心與事為一。則學與

思不可偏廢者也。學者習其事也。博文以益其知。考迹以利其用。其

誰能廢學也。然學者事也。事必有理。以主之理其於心而心之官則

思而已矣。不思則不能通微。故學必待思而後可以融至理也。不然

則記誦徒勤玩物而非窮理。成法雖效。蹈襲而非體驗。義理之精微

終歸於茫昧而已。安望其決洽於中哉。思考求諸心也。測度以探其

精微。納緯以索其旨趣。其誰能廢思也。然思者理也。理必有事以成之。事資於學。而學之道。則習而已矣。不習則不能悅心。故思必待學而後可以收實效也。不然則審慮雖詳。要非考據之真見。研窮徒切。初非履歷之攸行事理之精當。終歸於惶惑而已。安望其心安理順哉。是知學而能思。學益明矣。思而能學。思益實矣。交修互發之機。其進豈能已哉。

此等文理。實可接之日用事物。非浮華巧俊。以文為娛者可比。想見昔人著實體認處。艾千子不務悅人。自抒所得。老成朴實。文章法理。

子謂韶書

二句

顏清

聖人贊有虞之樂文脩而情亦脩焉夫樂乃功德之形容也大舜之
樂有以極情文之脩如此豈復有過之者哉夫子稱而贊之所感深
矣且一代之興必有一代之樂○高○唱○而○入○頌○起○全○節○伸○情○却○和○木○位○義黃以降作者非一人矣而舜之韶
何其盛乎○盡○善○緣○故○只○四○語○括○盡○而○諷○蓋其本也蘊蓄于升聞紹位之切而其制也大脩于治
定功成之且○盡○美○切○聲○笙簧琴瑟有以極音律之和而聞之者心融于戚羽旋
有以脩物采之華而觀之者忘倦歌九德而聞九功○盡○美○切○聲○雅○盡○美○切○聲○乎鳳鳥之
和鳴也而聲孰尚之舞九韶而協九奏○盡○美○切○聲○驗○盡○美○切○聲○乎百獸之率舞也而容
孰尚之謂之盡美信乎其文之脩而無以復加矣然又豈知其盡美

○盡○善○兼○德○遇○二○章

乎○蓋○其○聲○之○美○不○止○于○音○律○之○和○也○而○咸○字○之○化○寔○洋○溢○乎○其○中○其○
容○之○美○不○止○乎○物○采○之○華○也○而○至○德○之○光○寔○交○暢○于○四○表○
○二○語○想○像○盡○善○在○華○四○表○之○外○別○有○餘○韻○
依○稀○乎○文○明○濬○哲○之○風○音○有○盡○而○意○無○窮○也○俯○仰○周○旋○想○像○乎○揖○遜○
雍○容○之○狀○心○悅○之○而○口○不○能○言○也○謂○之○盡○美○則○美○之○中○又○有○是○焉○而○
非○徒○以○其○文○矣○韶○之○為○樂○其○盛○也○一○至○此○哉○

文○有○合○用○傳○註○者○亦○須○鎔○化○不○可○直○寫○江○西○刊○程○直○提○功○德○三○字○

置○有○迹○此○作○將○功○德○即○鎔○化○在○美○善○中○何○等○手○段○
唐○荆○川

起○處○提○原○四○句○括○盡○性○反○揖○遜○意○文○中○竟○不○說○止○高○甚○
錢○吉○生

輝○快○其○章○臺○斐○其○情○文○亦○美○善○無○重○

邦有道危言危行

觀清

國家當乎治平君子正其言行蓋危言○以○正○字○諡○危○字○確○若○作○諡之正危行○之○正○也○君子

異非矣

處治平之世固如是哉聖人意曰公直昭明而好惡皆有定論善者

○刑○賞○無○私○舉○錯○無○枉○方○可○以○危○言○危○行○得○

必賞惡者必刑而刑賞一無私也朝綱振肅而邪正各以類分賢人

在位小人在野而舉錯一無枉也邦其有道矣乎○諸○口○而○加○諸○人○便○見○君子片是邦也言

焉而不盡行焉而不伸則有負于時矣是故○諸○身○而○見○諸○事○便○見○滑○無○不○當○也○諸人者言

也必言一言也據正理而後發是則曰是非則曰非○諸○言○之○極○緊○金石之不

移可則曰可否則曰否確乎歲時之不差析之必精不依違而兩從

也辨之必明不邪媚而詭隨也言焉如此何危如之體諸身而見諸

事○者○行○也○必○行○一○行○也○據○正○理○而○後○動○當○辭○而○辭○當○受○而○受○森○然○義○
氣○之○不○曰○當○舉○而○舉○當○措○而○措○挺○然○勁○節○之○不○屈○壁○立○萬○仞○而○廉○隅○
之○整○飭○也○志○奪○三○軍○而○界○限○之○分○明○也○行○焉○如○此○何○危○如○之○吁○言○非○
高○峻○也○自○卑○順○者○觀○之○而○見○其○高○峻○也○行○非○高○峻○也○自○卑○陋○者○觀○之○
而○見○其○高○峻○也○君○子○之○處○世○豈○求○異○于○人○哉○

風骨清舉文如其人

變吉士

雲際飛鴻山中立鶴非復風塵物色

敬大臣則

畏之

顯清

六句題須用極方扣得定

聖人列常道之效有得於尊賢之所推者有得於親○之所推者蓋
 政舉而效隨之此常道之所以善也聖人以此告時君其開導之意
 深矣中庸論道之費隱所以孔子告哀公問政之言如此且修身為
 九經之本而尊賢親○上○次之既各有其效矣而尊賢親○上○之所推者
 又何如聖是故朝廷之上有大臣焉有以敬之則禮遇周至而聰明
 有寄信任尊一而裁決不迷衆言不為之淆惑也萬幾不為之叢脞
 也何有于茲乎有群臣焉有以體之則志意所孚而國報之心益切
 感激所在而徇身之念自輕守必修其職也言責必盡其忠也報

禮何重乎。效之得于尊賢之所推者。蓋如此。由是推之于國。有廢民

焉。有百工焉。庶民而有以子之。則群心愛戴。不令而行。赴事赴工之

此喻工

恐後不啻子弟之于父兄也。百姓無弗勸矣。百工而有以來之。則通

工易事。農末相資。軍需國用之皆足。不啻水火之于日用也。財用無

非足矣。又由是達之天下。有遠人焉。有諸侯焉。遠人而有以柔之。則

無昭下施

賓旅之往來有寄。而愚良之志願各遂。人皆悅出其途矣。四方有不

歸乎諸侯而有以懷之。則德之所施者博。而威之所制者廣。莫敢有

貳于我矣。天下有不畏乎。效之得于親之所推者。又如此。發厥所

法。韓。嚴。家。又。人。下。節。巧。其。

原何莫而非修身為之本也。

提修身作頭作結而以尊賢親上分位來路去路秩然有緒六此
精嚴切寔方板中有變化之趣神乎法矣

敬大臣

頤

堯大引

賜

聖人與古中外百變此之賦惟平而矣

聖人與古中外百變此之賦惟平而矣

郊人曰仁

歸市

觀

清

郊人之於賢君、惟其念德也。深故其從遷也。衆蓋遷國以爲民賢君

之德至矣。郊人感嘆而群趨之。豈不宜哉。孟子引以告滕文曰。太王

○仁○在○平○日○補○得○高○

之仁。郊民戴之舊矣。及避方張之狄。都小弱之岐。而仁愛之意藹然

溢于耆老之屬。是以郊之民聞而悲。上而互相告語曰。皮幣珠玉大

○坐○寢○在○字○

馬重寶也。委以事狄。欲以全吾民也。土地故業也。棄而遷岐。不忍戰

○仁○字○補○表○

吾民也。非徒計宗祀之存亡。而仁彼祖考。抑且念生靈之利害。而仁

○頤○佳○

我子孫。吾君誠仁人也。有君如此。在他國且將歸之。今則故土也。十

○不○可○失○三○字○切○掣○

此失之九州。其可遇乎。前古且尤慕之。今則親逢也。一時失之。千

載○其○可○得○乎○故○當○其○議○徙○也○咸○束○裝○以○待○事○已○而○啟○行○也○遂○相○率○以○
追○隨○負○者○負○戴○者○戴○而○爭○趨○以○立○于○前○塗○始○如○挾○貨○求○售○者○之○入○于○
市○門○肩○踵○相○摩○擾○_{○精○細○}馬○惟○恐○人○之○先○乎○已○也○扶○者○扶○携○者○携○而○奔○馳○
以○先○于○所○往○始○如○乘○時○射○利○者○之○歸○于○里○市○左○右○碩○瞻○皇○_○馬○惟○恐○
身○之○後○于○衆○也○大○太○王○雖○微○而○民○從○如○此○君○能○如○此○何○不○可○遷○哉○

逐句逐字摹寫杜工部詩李龍眠畫

為王誦之

顧清

大賢述所以服臣心之言為所以諷君心之地也。蓋拯民之責臣固分之。若實主之也。大賢述服臣者以告君其諷之之意有在矣。孟子病齊民之流雖概君臣之坐視既詰距心而距心受責矣。復為王誦之。豈無意哉。謂言雖宣于平陸然平陸特齊之邑耳齊廷尚遠則國未之聞也。罪固任于距心然距心特齊之臣耳齊君尚昧則猶未之達也。使諱是而不以告歟則君令臣從行自君者難當責大臣也使舍是而直以攻歟則事關避忌臣負慝者未必君引咎也。于是為王誦之不再更端以為納忠之地。惟其反照而申有位之規凡所云必

五

年飢歲民散四方而轉溝壑者皆于是乎縷陳之如所云受人牛羊

不反其人而視其死者皆于是乎轉述之既援距心非所得為之詞

終及此則距心之罪之咎雖不顯指其歲凶不賑而民瘼不恤也而

敬之之意已默示于說辭間矣輒之心非持悟其臣而實欲悟其君

乎雖不明請以倉廩是發稅歛是薄也而惕之機已深寓于告語

中矣輒之心非特憂其君而實憂其民乎蓋民困日重臣固不可諉

諸君而亂政亟行君又何可以諉諸天善哉蓋子之為王誦也得觀

諫之意矣惜齊王雖引為已罪而終不能改其罪歟

四字須知不漏一句不增一句不其自悟深心妙用初上然生

知而使之

知也

顧清

齊臣兩擬聖人之過所以釋君之慙也夫聖如周公固未始有過也

陳賈即管叔之事而識之其巧于逢君而輕于非聖者與齊宣因燕

人之畔而有慙于孟子良心也陳賈逢其失而為之辭曰王之自揣

固不敢方諸周公矣要之周公之仁之智亦豈無可議者耶何則管

叔監殷而卒以殷畔頌其使之者周公也設或公之于叔逆觀其觀

觀之謀將不利于社稷而監殷之寄頌為之厲階焉則是授其欲而

重之權假手于門庭之寇養其惡而助之逆忍心于同氣之親于商

之辟我其陷之而惻隱之心安在罪人之得我其致之而保護之術

○提○起○仁○智○一○華○然○老○勁○
已○疎○仁○人○委○曲○以○全○愛○而○公○獨○不○然○謂○之○仁○也○可○乎○哉○抑○或○公○之○于○
叔○脫○畧○于○形○迹○之○防○初○未○虞○其○異○志○而○監○殷○之○寄○由○辨○之○不○蚤○也○則○
是○以○狡○偽○為○腹○心○比○之○匪○人○而○莫○察○以○讒○邪○為○良○善○溺○于○所○愛○而○不○
明○逆○節○生○于○肘○腋○而○鳴○鴉○遺○毀○室○之○憂○其○殆○悔○悟○之○晚○乎○大○亂○起○于○
蕭○牆○而○狼○跋○當○流○言○之○變○一○何○聖○哲○之○累○也○智○者○銷○禍○于○未○萌○而○公○
獨○不○然○謂○之○智○也○可○乎○哉○夫○不○仁○過○也○不○智○過○也○周○公○必○居○一○于○此○
矣○吾○王○縱○有○取○燕○之○失○亦○宜○藉○口○于○聖○人○而○于○孟○氏○奚○慚○焉○
題○是○兩○路○攻○擊○文○于○每○比○中○又○具○無○數○貶○駁○喋○喋○利○口○亦○嚴○毅○
亦○風○韻○

天為貴

一節

顧清

大賢第君民社稷之重輕一以勢而言之也甚矣天下勢而已勢輕

重也大賢即君民社稷而第之其亦重有所感也夫且戰國之時慢

神虐民者多而民日以瘠○發○立○言○之○音○危○論○一○咏○所○微福畏威者衆而君日以驕○賠○義○精○卓○孟子慨之也

故為之說曰有國者固貴乎嚴天下之大分尊卑是也尤貴乎審天

下之大勢重輕是也何也自天下言之有君焉有民焉有社稷焉孰

不曰民微也輕也君主也貴也社稷神明也尊之矣是則以分言者

也而勢不與焉若以勢言之則民其至重也社稷其次之也○看○其○交○互○不○侵○若又次

之為最輕焉蓋民者邦之本也語心則公語威則衆辟國四方后資

以庸也。明德馨香，神資以薦也。是故其微而貴者也。社稷之司也。宗伯樹之。封人土掌之。以君則祀，惟祀孔時焉。為民而立民，亦能廢焉。是故其次於民者也。若君也者，天難諶命，靡常神所憑依，將在德焉。匹夫匹婦或勝予矣，則固依人神以為命者也。此非其足輕者歟？是民為貴，則可上也。不可下也。社稷次之，則可敬也。不可瀆也。君為輕，則依勢作威倚法以削者，非矣。為國者，輕所重而重所輕，祇以自賊而已矣。其國是故孟子有審勢之說也。○下○處○
○及○掉○古○勁○
○說○出○主○意○

精醇似左氏議論蒼勁，則西漢詔書。論理不論事，故寔發而不侵，亦險筆也。

玉經

李

嶠

峒

臺

題李崆峒稿

北地才名聲動海內既筮仕立
爲文壇倡其同志鼓吹休明然
屢遭誣謗久乃得白上有明主
下有良友故官雖不甚顯而節

愈高夫攻擊壽寧中貴寒心抗
拒劉瑾閹璫側目其風采已赫
赫在人獨因宸濠之逆誣以通
謀是以揮金却玉之賢而疑其
有竊疾也年旣不長文卒壽世

蓋公夢日而生亦夢日而沒文
明之氣上通於天豈獨直節之
震世哉制義公之一技而峭潔
高寒又在詩古文之上宜學者
奉爲拱璧云

桐川俞長城題

名家制義目錄

荆川俞長城論次

弘治朝

李夢陽

人而無信

二句

君子而不

一節

管仲相桓

四句

君子求諸

一節

譬諸小人

二句

極高明而道中庸

唯天下至誠為能化

省刑罰薄稅歛

德何如則

王矣

今三發政

之塗

人而無信

二句

李夢陽

聖人決信之不可棄、欲人知所自立也。夫信也者、生人之道也。人而無信、則失其所以生矣。謂之曰可、奚可哉。宜聖人決言以示人也。意謂人之所以能立於天地之間也、必有可取者在焉。求其所以可者、有信以為之本也。自夫維天之命、於穆不已、天之所以生人者、此信也。降衷秉彝、人所同得、人之所以得生者、亦此信也。故聖人也、性乎此者也。未有不信而能聖賢人也。勉乎此者也。未有不信而能賢苟人而無信焉、則雖有是形也、失其所以形之道、而烏在其為形。雖為是物也、失其所以物之理、而烏在其為物。吾見其中無所主而

○是○講○不○心○其○可○就○著○透○快○

惟我之任。我則偏。則蔽。則昏矣。外有所慕而惟物之徇。物

○是○訂○頑○之○言○

○倒○接○二○比○激○出○不○知○其○可○易○傳○此○情○

則隘。則私。則曲矣。夫誠則神。則明。吾見神而明者之為可也。

蔽而昏者可乎哉。誠則虛。則公。吾見虛而公者之為可也。私而曲

○應○起○

者可乎哉。蓋在天無不寔之理。在人無不寔之心。人成天也。在天無

不寔之理。在人有不寔之心。人棄天也。此其所以為不可也。不可在

于不信。則其所可不在。于能信耶。

一叠十二比。反正順逆。咫尺千里。名儒之理。才士之文。崆峒一

生氣。節畧見于此。

君子而不
者也

李夢陽

有失德之君子無全德之小人蓋德之全也離矣君子而倘有失德
焉豈有小人而能全其德也哉且仁也者本心之全德也然失之甚
○此言○之○有○
易全之甚難若君子者其天理之公常勝乎人欲之私律身持已其
心固在於仁矣然毫忽之間心或有時而不在則亦有違乎仁而不
自覺者焉應事接物其心固在於仁矣然幾微之際心亦有時而不
在則亦有離乎仁而不自知者焉○依○勘○不○仁○如○此○真○切○豈○非○理○愈○
○確○則○愈○近○文○愈○高○則○愈○朴○耶○
可也日月至焉則其未至也雖謂之不仁可也然則天下豈無失德
之君子乎若小人者其人欲之私常勝乎天理之公雖曰均是稟也

○二○語○亦○切○寔○

而○氣○質○之○精○也○已○久○未○有○是○人○而○能○完○乎○德○者○焉○雖○曰○同○是○賦○也○而○物○欲○之○蔽○網○已○深○未○有○是○人○而○能○脩○乎○理○者○焉○鷄○鳴○而○起○惟○利○是○圖○耳○其○於○仁○也○奚○有○惟○日○不○足○不○善○是○為○耳○其○於○仁○也○安○在○然○則○天○下○昌○嘗○有○全○德○之○小○人○乎○听○德○之○全○也○如○此○其○難○德○之○失○也○如○此○其○易○聖○人○勉○君○子○而○懲○小○人○也○亦○深○矣○

○叔○二○語○與○起○應○丁○字○敬○戒○意○旨○無○盡○

君○子○一○比○以○及○門○作○証○常○語○而○他○人○苦○思○不○及○筆○力○動○前○陳○百○單○
寥○々○數○語○明○白○著○實○竟○作○語○錄○看○可○也○

曾仲相桓

四句

李夢陽

人稱大夫佐霸之功被天下而及後世之甚矣春秋不可無管仲
 也匡一時而後之人且利賴焉得非仁者之功乎此夫子所以錄其
 功也○想其曉子貢之意益曰死天下之事易○成天下之事難○子疑仲
 之相桓○○重○為未仁也○抑孰知管仲以其君伯○○點○相○字○而其所成者大乎○彼管仲
 之十○○重○齊也○彼鮑叔之薦而膺仲父之寵○○點○相○字○夫固桓公之相也○齊居東海
 提○桓公俱○○俱○大家○作○勢○法○之國○未嘗至盟于中夏○桓公得其國而君之亦未敢必其稍雄于列
 辟也○○仲○惟得管仲以為之相○招携以禮○懷遠以德○而人心景從○遂為諸
 侯之宗長焉○○侯○景○頭○一舉葵丘而臣不敢奸○君當其時知有共主而天下之

大○綱○不○至○於○陵○夷○者○仲○匡○之○也○再○盟○召○陵○而○裔○不○敢○謀○夏○當○其○時○知○

有○上○國○而○天○下○之○大○防○不○至○于○顛○越○者○仲○匡○之○也○然○豈○特○終○于○仲○之○

身○而○已○哉○盖○自○其○身○沒○以○來○勲○名○垂○于○矣○世○于○今○尊○與○之○而○冠○履○之○

嚴○猶○昭○然○耳○目○之○公○焉○其○雄○風○之○所○昭○者○誠○未○易○斬○矣○聲○施○沿○于○列○

國○于○今○綱○戴○之○而○兵○車○之○強○猶○赫○然○會○盟○之○間○焉○其○餘○威○之○所○振○者○

誠○未○易○熄○矣○夫○以○仲○之○功○而○人○受○其○賜○于○不○窮○迄○今○江○漢○之○上○慨○最○

露○之○遺○事○而○頌○管○仲○之○功○不○衰○吾○方○幸○齊○桓○得○一○相○而○天○下○宇○焉○後○

世○賴○焉○又○安○得○以○其○相○為○疑○也○哉○信○乎○管○仲○雖○無○仁○人○之○德○而○實○有○

仁○人○之○功○賜○也○何○可○以○過○譽○之○也○

此北地古文也用聲調處見筆之老峻王唐猶似遜之陳有吏
古處不在聲調提掇轉掉俱以神行必不走時文熟路余嘗謂生
硬是文章最工乘生硬非荒疎詭怪之謂使人讀上句想不出下
句斯近之矣

管仲相李

李

日

李

李

李

李

李

李

李

君子求諸

一句

李慶陽

君子小人之異以其求異之也夫求一也而人已之間異矣君子小

人之異其異以此哉且夫人孰不願為君子亦孰不恥為小人願君

從君子小人說起

子小人之求在人已之間而君子小人之辨亦即在于求已求人之

從求說起

際所求乎已者重則所以求人者必輕矣而求已者誰也所求乎人

從君子小人說起

者重則所以求已者必輕矣而求人者誰也吾嘗觀求于君子而見

○說○起○公○私○之○分○

○說○起○偽○之○介○

其視天下之事皆若已之事視求天下之事皆求以盡已之功已未

得也而求之切已得也而求之專其求已者有如此矣又嘗觀求

于小人而見其視天下之事皆若人之事視求天下之事皆求以塞

人之責人未得也而求之急人己得也而求之殷其求人者有如此

欲求○說起

參論所求則求己者此求○人者此求論所以求則求己者其究不

從君子小人○說到求

至于失己○求人者其究終至于失人○吾是以知惟君子然後求諸己

又從求○說到君子小人

亦惟求諸己然後君子益進于君子也○惟小人然後求諸人亦惟求

諸人然後小人益流于小人也○學者其慎所求哉

此與喻義章一例就一字中分出兩種與別處論君子小人不同

忽順忽逆○總是描點途徑○令人決擇○清空淡折○文似象山

警諸小人也與

李夢陽

聖人于盜名者而深致其鄙焉。夫人之可鄙莫盜若。而行盜賊之譏

○從○遠○說○來○自○然○花○要

于色厲獨非謂盜也哉。且君子之道以實勝不以名勝。彼色厲而內

○身○節○出○乃○見○不○慙○

荏者固巧于求名矣。而豈知其倫于非類也哉。夫人而曰小人小人

○反○振○得○起○

而曰穿窬之盜。此其人何如也。吾意君子實勝以自安而充其無穿

窬之心矣。奈何欺世盜名不免入于小人之類。矯情干譽終自底于

穿窬之歸。一以謀利而耻人之獨其情也。一以要名而慮人之察其

○北○漢○劉○玄○

偽也。求之不以其實者。何以異于取之。不以其道也。吾知其與小人

之穿窬者相為一揆矣。一以好利之心勝而慮人之得于所觀也。一

之穿窬者相為一揆矣。一以好利之心勝而慮人之得于所觀也。一

以○奸○名○之○心○勝○而○慮○人○之○深○于○所○察○也○行○之○不○由○乎○義○者○何○以○異○乎○
得○之○不○協○于○義○也○吾○知○其○真○穿○窬○之○為○盜○者○相○為○一○盜○矣○無○穿○窬○之○
盜○之○跡○而○有○穿○窬○之○盜○之○心○無○穿○窬○之○盜○之○名○而○有○穿○窬○之○盜○之○寔○
○長○言○深○刺○人○思○轉○愈○刻○
天○下○孰○不○知○穿○窬○之○可○賤○而○不○悟○色○厲○內○荏○者○之○為○穿○窬○即○色○厲○內○
荏○者○未○嘗○不○鄙○夫○穿○窬○而○不○知○其○身○自○為○穿○窬○也○可○慨○也○夫○
文○氣○清○剛○劔○起○頭○落○存○此○以○見○先○生○嫉○惡○之○嚴○

極高明而道中庸

子夏曰

○有○力○量○
心○無○累○而○事○合○宜○此○君○子○之○修○德○凝○道○也○蓋○高○明○心○之○體○中○庸○事○之○
宜○皆○德○也○極○之○道○之○皆○所○以○修○德○也○君○子○之○疑○道○也○以○此○大○哉○聖○人○
之○道○其○待○人○而○行○者○行○之○以○至○德○而○已○天○地○我○其○參○也○萬○物○我○其○備○
也○立○二○極○大○中○之○矩○我○之○德○也○禮○儀○我○其○經○也○威○儀○我○其○曲○也○經○典○
禮○會○通○之○觀○亦○我○之○德○也○廣○大○致○矣○而○高○明○不○極○則○空○廓○放○浪○之○境○
○思○其○甚○奇○
界○非○後○偉○光○明○之○胸○襟○矣○奚○以○宰○事○精○微○盡○矣○而○中○庸○不○通○則○細○詳○
忽○眇○之○鑽○研○非○端○方○悠○永○之○臨○籍○矣○奚○以○運○心○極○其○心○于○萬○物○之○上○
一○私○不○留○而○形○色○象○貌○何○物○非○心○以○之○為○過○高○之○行○焉○非○也○極○其○心○

即影高明中中庸非泛濫也

高明分疏確

千萬念之。澄纖塵不擾而作止進退何事。非心以之為通察之為焉。
非也。心不為已甚而為乎人之所當為。進之而毫釐之差也。何有念。
不在詭異。而行乎人之所常行。遠之而千里之謬也。何有是故。發育。
極○字○道○字○刻○刻○精○鑒○
峻極無極也。君子有以極之三千三百皆道也。君子有以道之于。差。
乎此君子之修德凝道也。

古削情嚴凜不可犯而說理圓旋若無意成文者。絕高絕老文字。
艾千子

眇思奇義。皆自己生進出來。絕不將前人語錄。古文溪徑留在胸。
中。况時文乎。

作天下至誠為能化

字夢易

舉一世而莫加其德故化一世而莫見其功夫德足以感人也尚

矣曾謂天下之至誠也而不能化乎中庸惟致曲者之功而極之化

○一○語○点○醒○題○神○

矣又以化不易能也蓋蓄未豐者則碩大之業弗成而積既深者則

隆古之業方振其唯天下之至誠乎合天下之善而克足之一動一

○講○得○寔○落○

○對○天○道○

靜而觸處皆真一乾健之不息也蓋貫百王而莫之加矣盡天下之

性而完粹之一體一顯而無往不實一於穆之不已也蓋窮薄海而

○轉○下○用○全○力○

莫之尚矣一心既真則大本端于我自有以通天下之心一德既實

則皇極立于我自有以成天下之德輝光流注于民物之表雖不煩

作用將見暴慢者恭矯偽者誠四方一風動之休也○七○字○確○而不徒動也○出○化○字○精

有步驟

英翕運于參贊之間雖不勞訓誥將見遇高者中特立者同黎民一

於變之會也而不徒變也兆庶之情向擾而雅齊也自是鎔鑄于淳

○類○缺○以○風○為○德○二字之計

麗之中而擾者定矣萬邦之俗向紛而雅統也自是薰蒸于太和之

○結○東○雄○厚○

域而紛者息矣德隆于上而下自融道成于身而世自泰所謂唯天

○一○語○微○足○題○神○

下至誠者如此而化易能乎致曲之功積而至子化焉則至誠之能

○信○明○正○首○

事畢矣聖賢不既同歸也哉

文無蹈虛之法所謂不誠則無物也如此題人崇以惟字為能字

此剔尋出大人一致性反同歸至語致所成篇以為至誠能化四

平不當實做。夫中庸脩言天道而堯舜時雍風動氣象未曾說到
此句正該發揮如何輕易了事。是文一叠八比。一此寔詮題神思
千前後一點何嘗不醒。故而不當寔做者終是不會實做耳。

雅天下 李

齊刑罰薄稅敎

李夢陽

簡民之法。輕取民之制。蓋簡於法。則欽恤而不苟矣。輕於征。則
 偷而不貪矣。仁政之目。孰大比哉。孟子對梁王曰。欲收王業之成功。
 盡行王政之大務。彼司政典獄治惡懲奸。是刑罰固在。不可無者。今
 之君。一任其密。以羅民。而莫之省矣。如民命何必也。為小民惜命。發
 刑罰之政。而省以仁之。感煩就約。不為殘刻之威。反虐以寬。惟務公
 平之體。刑一人也。罪止其身而已。不株連乎族屬。罰一人也。責稱其
 情而已。不濫及於無辜。縱使罪人斯得。亦必原其情。正其犯。不敢濫
 其科例。以為民厲焉。夫刑罰不省苛政也。苛政既除。將有好生之德。

羅民。剝民。字法俱精。

○跟○上○句○

○省○字○上○有○休○有○用○

○已○此○下○不○死○禁○

○跌○建○一○

會

冷於民心者矣。司會計賦。賄致用。是稅斂。固在不可缺者。今之君

一任其厚。以剝民。而莫之薄矣。如民財何必也。為下民惜財。發稅斂

之政。而薄以仁之。○薄○字○有○二○宗○有○說哀多為寡。不為培剋之利。量出為入。但循惟正之

供稅一及也。遵彼常藝而已。○已○端○下○非○小○終不竭其所儲。斂一及也。經彼度支而已。

不增其所賦。縱使國有大用。亦必汰其冗。節其費。不敢橫其誅求。以

為民病焉。夫稅斂不薄。貪政也。貪政既蠲。將有損上益下。民悅無疆

者矣。是其刑清政簡。既舒化國之日。物阜民康。○此○方○是○王○政○自輕從善之路。固有

王不待大而大國且畏矣。何耻不可。兩耶。雖然。省非弛禁之謂也。薄

非小終之為也。易曰。不為財。不害民。不害。不傷。則申韓之刑名。必不

容於堯舜之世而商鞅之所附必見正於三代之法此孟子對梁惠
意也。

明扇中猜意結聚人斟酌至當先生文多踈快此又其錘鍊工密
之章也。

省刑罰

李

Blank page with vertical lines and faint bleed-through text.

今王發政

之金

李夢陽

本字○跟上

能振王天下之本自來普天下之心蓋發政施仁王天下之本也○

振而行之天下之民不期來而來矣何欲不遂哉○孟子告宣王曰以○

○唇○脉○緊○

○著○眼○

力○求○大○欲○也○難○以○德○求○大○欲○也○易○誠○使○弛○禽○獸○之○恩○而○功○先○百○姓○一○

敷政也○皆惻隱之敷布而朝野霑雨露之恩一出政也○悉不忍之流○

○補○法○

行而生靈誕陽春之惠民未生於此而生鮮老少溝壑之轉而士農○

有欣戴也○民未養於此而養弘問闡樂利之休而商旅無容嗟也○夫○

○使○字○是○仁○開○之○達○轉○以○前○節○

○抱○首○句○

仁政方行於一國而仁聞即達於八表天下莫不有仕者○仰仁政而○

起願仕之心○弓旌不必加也○鎖衡門而載質束大帶以觀光王之朝○

天下聚首之朝矣。莫不有耕者。傾仁政而興為氓之念。井田未及授也。負耒耜而出疆。把犁鋤而入境。王之野。天下俶載之野。參行貨之商。居貨之賈。皆欲藏貨於王之市。天下非無市也。以王之市。仁政之市也。道路之行。往來之旅。皆欲置足於王之塗。天下非無塗也。以王之塗。仁政之塗也。吁。能反本則近者悅。遠者來。大小強弱。舉非所論矣。所欲雖大。官待求而至哉。

說發政施仁。跟恩及禽獸。來天下之願。從本國得所起。四段處。抱仁政針線。極其精密。

